

欽定戶部漕運全書

欽定戶部漕運全書卷七十目錄

截撥事例

截留撥運

截留撥運

一直隸良鄉等處歲需兵米一萬一千三百石
奏明在豫東二省截存薊糧內撥給本年因東
省輪免漕糧先令豫省代運除撥運天津等處
兵米外不敷米石准動支節年倉存薊米并動
碾薊穀湊運

嘉慶元年

一直隸良鄉等八處駐防歲需兵米奏准於嘉
慶三年春季起令豫東二省各半分運山東省
嘉慶二年冬間應需兌運兵米先儘新徵薊米

照數撥運如有不敷卽在存貯薊米內找撥

嘉慶

年二

一湖南省漕糧奏明截留湖北二十萬石嗣因湖北歲需兵耗等米一十三萬四千七百餘石全數運北現存南省米六萬五千二百餘石及截存帶徵正耗米二萬二千餘石除支給各漕船月糧外餘存一併撥入苗疆兵糧項下動用

嘉慶
三年

一山東省嘉慶三年曹汎漫口曹單等十州縣

被淹成災奏准截留漕糧在於江西最後之安
福等九幫漕船內截撥米四十萬石兌交各船
支剩餘米就近變糶

嘉慶三年

一直隸固安寶坻二縣駐防兵丁每歲需用米
各一千一百五十石向例領價採買嘉慶三年
奏准嗣後照良鄉等處駐防兵米在於餘剩
糧項下照數撥給固安距天津較近赴天津兌
運寶坻應領米石俟漕船行抵北運河附近該
縣水次兌領

一江西省漕糧截留山東各船有運交通毛竹
一項責令帶回另辦好竹明歲帶運赴通交納
又漕糧截留餘米作正交倉本年有贛州幫旗
丁俞張蔡失風虧折米石於下運搭解運通交

卸

嘉慶
三年

一山東省曹單等處被災奏准截留本省漕糧
米豆二十七萬七千餘石戶部議漕豆十三萬
石此次接賑如無須添用卽同額在麥石一併
搭解運通以備支放

嘉慶
三年

一豫東二省撥運良鄉等處駐防兵米各添雇
船十三隻戶部按米數算減雇一隻所有給過
行月銀米追還原款其豫省領雇船隻派令額
船較少之通天二幫承運之處行令查照密雲
兵米之例分派各幫帶運以歸畫一

嘉慶三年

一楚北有防堵兵勇川陝兵食亦須接濟均當
寬爲籌備若四路採買辦運轉致多糜腳費且
恐市價增昂有妨民食奏准截畱湖北省漕糧

六萬石以備軍糈

嘉慶三年

一豫省睢州等九廳州縣應行撫恤賑濟口糧
據該撫奏明截畱米豆一十二萬七千九十六

石零

嘉慶三年

一嘉慶五年湖廣總督倭什布等奏湖北鄖宜
兩處防邊兵勇應支食米必須寬爲籌備請於
本年起運漕糧內截畱六萬石奉

上諭漕糧乃國家正供若外省動議截畱倘京城缺少
米石關係甚重况外省尙可於隣境採買京師則更
無採買之處第念防邊兵勇尙有應支食米著加恩

准其截留二萬石以備接濟若別省並無防邊要務似此竇請斷不准行等因欽此

一徐州府屬之蕭碭等縣衛被災撥給銀兩散賑嗣因卽家壩興工夫役雲集糧價增昂災黎買食維艱奏請將銅山等州縣漕米約共四萬餘石截留搭放本色卽於前撥賑銀內扣存報

撥

嘉慶五年

一每年派撥薊易等處米石係按平米分派截撥今正兌項下原備篩颺耗米奏明扣給旗丁

一升七合六抄及二升七合六抄其撥運薊易等處項下給丁篩颺耗米准另用正項米抵補

嘉慶五年

一直隸省嘉慶六年被水較廣截畱漕米六十萬石分貯鄭家口泊頭天津北倉三處所有天津截畱之米舊例截四存六所存米石尙須抵壩交卸有需時日此次儘在後之江廣船隻整幫截卸俾空船及早南下

嘉慶六年

一漕運總督奏江廣七幫在楊村截撥照例令

旗丁貼給經紀運送囤貯其浙江尾後八幫請
照江廣之例一體截卸以期迅速奉

上諭鐵保奏楊村截卸事宜一摺其露囤一節殊非善
策莫若仍將米石撥運到壩方屬正辦著悉心籌畫
妥協經理等因欽此嗣據該督先後覆奏江廣七幫
米石在天津北倉截卸交經紀接運浙江尾後八
幫旗丁情愿自用撥船或另雇民船撥運俾大船
及早回空不必另行露囤

嘉慶六年

一嘉慶六年七月漕運總督鐵保奏准湖北江

西在後七幫在楊村全行起撥將來運壩照依
向例由旗丁將飯米撥價全給經紀每百石加
幫貼銀二兩米二石外再加幫貼銀五錢

一江西鉛山等四幫在北倉截撥一切撥價飯
米全數貼給經紀照例先在通濟庫項下撥給
共銀二萬一千九百餘兩應於該四幫船扣解
議將每船新漕調劑半耗並向領脚耗斛面等
三項米石以一兩九錢拆變共得銀八千一百
餘兩又江西本年截留鄭家口泊頭兩處漕船

奏加米石令州縣一體扣存折變解道以抵庫款可得銀六千餘兩計兩項共得銀一萬四千一百餘兩不敷銀七千八百餘兩在鉛山等四幫冬運錢糧內扣銀三千兩其餘銀兩令江西於道庫閒款內暫行湊還仍於該四幫來年米折項下全數歸款

嘉慶六年

一湖北省軍糧緊要奏准將嘉慶六年帶徵漕米四萬七千八百餘石截畱以充軍實

一嘉慶八年冬間恭逢奉安

孝淑皇后梓宮暨

妃園寢添設官役應需本年冬季并嘉慶九年春
夏二季俸餉米一萬一千二百二十石若照向
例截撥漕糧均於次年五六月間始能運到未
免緩不濟急奏准於通倉米內動撥如有盈餘
於下年截撥數目抵扣其應需運腳銀兩赴司
具領事竣報銷

一豫省每年必須撥運保雄密雲良鄉固寶等
處米二萬七千七百四十二石七斗七升二合

四勺嘉慶八年祥符等州縣額徵薊糧全數撥
徵僅止洧川一縣徵收薊糧正耗潤耗等米七
百九十四石五斗三升除將該縣徵收薊糧全
數撥運外尙不敷米二萬六千九百四十八石
二斗四升二合四勺查照乾隆五十七九兩年
之例在於洧川等縣薊倉現存米內及薊倉現
存穀內碾動其碾運穀石照豫省倉穀之例每
穀一石碾正米五斗三升事竣造入漕薊各奏
銷案內報部覈銷

一直隸良鄉等處駐防官員每年應需俸米七百三十二石向係每石一兩折給嘉慶八年議准自嘉慶九年起在豫東二省薊糧項下照數動撥供支

一嘉慶十年湖南三幫因渡黃較遲議於幫船行抵楊村用撥船徑運赴通軍船卽在楊村回空

一船糧擁集天氣漸寒必須加倍起卸軍船回空始能迅速嘉慶十年奏請照向來辦過成案

在石壩樓旁磚廠囤貯先令軍船回空仍卽照數裝運派倉收貯所有人工繩席等費係經紀等自行備辦毋庸另議開銷

一固安寶坻二處兵米船二隻向係按年挨幫輪運嘉慶十一年輪應通州天津二幫裝運因通州天津二幫船隻全行減歇咨准仍派上年輪運之徐前後二幫裝運俟該二幫正運之年少裝一運

一漕河等標各營應需本色兵糧因淮揚等屬

秋禾災歉南米不敷支放奏准動撥蘇省帶徵

緩漕解濟以資兵食俟各縣屆限徵還

嘉慶十一年

一山東德州駐防滿營兵餉每年所領折色銀兩不敷買食嘉慶十一年奏准將德常二倉支剩運通米石撥放本色仍有不敷再將積存薊糧酌撥如遇災緩不敷照青州滿營兵餉碾動常平倉穀一律辦理至免支折色銀兩每年按數解部以清款項

一湖南省嘉慶六年幫船行抵漢鎮奉文截留

陝西原船回次二耗米石照程途扣算覈給又
每船防護舵水四名每名日給米一升又每幫
看減千總一員年給養廉米九十五石以三百
六十日覈派自歸次之日起至年底止按日覈
給又守減船減半月糧內一半本色米石均准
在於二耗米內扣給其一半折色月糧銀兩在
於追還行月京腳銀內動給又每出運船內挖
出裁截陝省米一百五十餘石支過京腳銀兩
照乾隆二十三年江興等衛截留天津餘剩米

石仍係運通應追銀兩免其扣追之例辦理又
截留船隻准算一運又軍幫運義津貼等項銀
兩照乾隆六十年蠲漕減歇全給之例一體支

給

嘉慶十一年

一嘉慶十二年河口淺阻以七月二十日爲限
在後未渡黃之江西湖南並宿州二共十三幫
船六百六十八隻計米七十二萬餘石一律於
淮揚截卸奏明分撥江蘇二十萬石安徽十萬
石委道府督飭起卸平糶其平糶價值解司報

撥仍令江西湖南湖北各撫動用司庫銀兩按
照市價採買足數交幫搭運其回空各幫因重
運節節起撥諸形竭蹙以歸次之遠近定給借
米之多寡江浙每船借給二十石江廣每船借
給三十石通共約借給米十萬石零以作回空
口食之需仍於新運責成原借之丁購買運通
至截畱米內除平糶及借給各幫米石不必貼
出耗米仍扣畱以備下年搭運之費外所有截
貯米石令旗丁每百石貼出米二石來年搭運

時准其開銷如再有虧折令該管備弁總運等分別賠出倘有偷竊等事致有短少惟防範之地方文武是問

一嘉慶十二年密雲縣虧短駐防兵米經直隸總督叅奏革職交部審辦請將嘉慶十三年應支兵米預先領運自八月起以七成本色三成折色配搭兼放其折色銀兩照例每石一兩加運腳四錢令失察虧短兵米之各上司照數賠出搭放統俟所虧米數應折銀兩放竣仍舊全

支本色其折色銀兩先行籌款動支勒令應賠
各員定限於來年清款經戶部議准自本年八
月起至明年正月止以銀米三七兼放所需本
色米石在於通州中西二倉存貯稔米內抵給
至明歲二月以後應需兵米仍照向例支給本
色將分賠銀兩於本年秋後按一兩四錢一石
採買以供明歲兵精其應領十三年兵米內卽
將前項借缺米石照數截留歸款嗣據直隸總
督奏請將十三年兵米仍照前奏以七成本色

三成折色搭放欽奉

上諭密雲縣兵米係半本半折搭配兼放今因例價採買不敷若復將該兵丁應得一半本色再行折給三成兵丁生計愈形支絀該督所奏未爲妥協所有本年八月至明年正月所需本色米七千餘石前經奏明在於通倉籌米給領此項米石著加恩毋庸買還按一兩四錢一石例價令失察各員賠出其明年二月以後應放兵米仍照舊例支領以裕兵食欽此

一嘉慶十二年截卸北倉米石欽奉

諭旨於本年河凍以前及明年開冰以後新漕未到之
先將截卸之米陸續運送徑交京倉庶多運一幫卽
多得一幫之益等因欽此

一嘉慶十二年江南省截留江西湖南及宿州
等十三幫共米七十二萬餘石計實貯淮揚一
帶及借給各幫共米四十二萬餘石留於江南
平糶三十萬石議令江西湖廣照數採買內江
西於本年冬採買米十萬石湖南於明後兩年
採買米十萬石湖北因歉收難買於截留江南

平糶米內劃存十萬石以抵湖北不能採買之數統於幫船起運時搭運赴通交納所有應搭米石內採買各省一切費用俱照舊章辦理借給各幫米十萬石毋庸再給運費其餘米四十萬餘石查照截留漕糧定例扣出銀米其米照例以一兩九錢折價牽算共扣銀八萬餘兩每運米一石給運費銀二錢同經漕運總督按照出運船隻應搭米數酌定三款開後

一原議江浙各幫常年出運船四千隻每船搭

運米八十石共米三十二萬石今約出運船三千餘隻自當均勻加派以期全數運通計江南共截貯米四十二萬石每船擬搭運米一百石共三十萬石尚餘米十二萬餘石攤令江西湖廣各半分裝至借給回空各丁米十萬石除本年冬起運各丁照數買補運通外其減歇同十運灑帶之丁均係無船出運俟出運之年買補還款仍造具借給幫次丁名米數咨部查覈

一截留各幫應追銀款於旗丁新運錢糧內分

別查扣其應追四分之一米二萬九千四百餘石已卸米一萬四千餘石此內除去每百石貼出二石計開銷米六千四百餘石又貼耗米二千石實卸存米六千三百餘石又未交米一萬四千六百餘石照例以一兩九錢折價覈追計其已交本色同應交銀款均勻科算作爲搭運經費計搭運米四十二萬餘石銀米牽算每運米一石領銀一錢八分零與前議經費銀二錢計少銀一分零再浙江各幫於來春正二月間

次第北上其應得米款自可隨正兌收其應得銀款在於江南司道庫內不拘何款先行動墊解交淮安府庫由漕運總督於盤糧時親身放給仍嚴催江西湖南糧道速卽照數解還

一氣頭等米約三萬餘石易換行月好米在原截各幫自然無可諉卸其浙江湖北等幫代爲搭運又復易換好米難免藉口折耗酌於江南浙江湖北三省每船易換米五石並未經截留之江西四幫每船換米十石江西湖南及宿州

金匱要略卷之三十一
原截之十三幫每船換米二十石於易換之中
量分多寡以昭平允

一嘉慶十二年江西湖南及宿州等十三幫截
留淮揚一帶漕米應追未行程途銀並米折銀
兩江西省先扣三分之一湖南及宿州各幫先
扣一半其餘三分之二並一半銀兩於道庫閒
款內暫爲墊辦仍於次年冬運錢糧內江西分
兩年扣還湖南及宿州掃數扣還

一嘉慶十三年奉

上諭昨因北河水勢旺盛糧船輓運稍艱恐致回空稽
緩特降旨將在後船糧酌量裁留存貯北倉本日據
薩彬圖面奏向來存貯北倉之米並無專司看管之
人以致附近宵小任意偷竊從無過而問者請派人
稽查又北倉自上年修理之後仍多滲漏恐存貯之
米雨淫霉爛等語著責成天津鎮總兵本智酌撥官
兵分派防守晝夜巡邏並於倉廩四角俱添蓋兵房
俾資棲止如有偷竊情事卽嚴拏懲辦該總兵亦當
不時親往查察毋蹈疎縱之咎至該處倉廩上年係

天津商人承辦今不久旋卽滲漏仍責令承辦之人趕緊修葺所有應蓋兵房亦卽交令妥辦至北倉地方存貯米石亦不過一時權宜不應過久著達慶等將抵通各船起卸完畢之後卽將存貯北倉之米趕緊運通務於新漕未到之先一律抵壩歸倉爲要欽此

一嘉慶十三年奉

上諭北倉截卸米石屢飭該侍郎等迅速運通歸倉昨據奏稱現已上緊籌撥九月底可以全數抵通今據

茅豫奏稱楊村一帶撥船甚多更可趕緊辦理著該侍郎等速將此項撥船全行押赴北倉分裝撥運務須源源起卸勿稍逗留總限於九月二十日以前一律抵壩愈速愈妙並卽全行趕運京倉不可稍有玩延等因欽此

一北倉暫貯米石向有旗丁津貼經紀每石一升耗米以備轉運折耗嘉慶十三年轉運餘賸米石奏准抵交自壩至橋逾額掣欠並撥船戶徵變短欠尚有餘米照粳米七錢稷米六錢之

例收買歸倉作正支放

一江南廬州三等幫搭運江西湖南截漕等項
米石俱係平斛稜米並無交倉耗米長途折耗
到壩虧缺無從購買稜米賠補咨准以稜稜並

交

嘉慶十三年

一湖北省嘉慶十三年截卸北倉漕糧應搭解
經紀本色飯米減歇船隻咨准俟下年出運搭
交

一嘉慶十三年江西十三幫稜米六十七萬餘

右截留北倉四十八廩貯米四十萬石倉內隙
地囤貯米二十餘萬石其餘仍用撥船陸續運
壩奏奉

上諭隙地囤貯之米著於全漕過竣後先行趕運以免
潮溼其餘四十萬石務於年內歸倉若有遲滯定行
議處不赦欽此旋據長蘆鹽政伊昌阿奏北倉廩座
間有滲漏坍塌商人刻卽修葺堅固至廩前濱
臨運河必須加築堤堰一道以防漫水亦由各
商捐辦至圍牆外四角原設兵房四間西面卽

係倉大使公署并有武弁官房三間今於南面
添蓋一間東北兩面各添蓋二間足資添撥兵
丁棲止奉

上諭著本智於標下揀派千總一員把總一員外委一
員帶兵三十名前往駐守晝夜巡邏該總兵仍不時
親往稽察如有偷竊米石情事嚴審奏辦將駐守弁
兵查明懲處其專管之北倉大使如有疎縱一併叅
處所派弁兵俟囤貯漕米全數運通後卽行撤回將
來如值截卽年分卽照此次出派弁兵人數辦理其

啟座兵房令商人時加修葺免致截卸漕糧臨期遷延時日欽此

一嘉慶十三年直隸總督溫承惠奏被水州縣應需賑濟懇請撥銀五十萬兩備用一摺欽奉

上諭天津北倉米六十餘萬石昨據蔣予蒲等奏本月初旬甫起米十八萬五千餘石自尚有四十餘萬石在彼存貯向來賑濟例係銀米兼放著於此項漕米內截撥該省二十萬石交溫承惠派員前往天津領運屆期散放按例價抵作銀二十四萬兩其餘不敷

銀二十六萬兩著戶部迅速撥往備用該督務須督飭所屬認真經理以期實惠及民毋使胥吏從中侵蝕冒濫至北倉漕米現又截撥直隸是未運通者祇贖二十餘萬石爲數旣屬無多當趕緊撥運抵通再運京倉收貯毋稍延緩欽此

一

東陵兵役并馬蘭鎮兵丁應支粟米向係截留豫東漕米運貯薊倉交遵化等州縣按季運供乾隆三十年議改折色以後糧價歷年有增無減折色

不敷糴食嘉慶十二年奏准自十三年夏季起
於山東省到通粟米內按年撥給一半本色米
二萬七千餘石令遵薊豐三州縣陸運供支所
需運費八千餘兩覈計漕糧改徵折色定例每
石合銀一兩酌給一半本色米石按一兩四錢
折色覈算每石節省銀四錢計節省銀一萬一
千一百餘兩所需運費銀八千餘兩卽在此內
抵支旋據承辦事務貝子直隸總督等奏例銷
運腳不敷應請加給經戶部議准每石再加銀

一錢統交地方官作爲津貼之用事竣據實報銷并將空出侍衛房二十七間改建倉房由該督捐辦將來保固限外所有歲修工料准於永濟庫項下動支十三年九月直隸總督奏奉

上諭溫承惠奏

東陵兵役本年秋冬兩季米石請仍支折色並以將來每年夏秋雨水不定恐輓運稽滯請援照易州兵米之例一律由豫東漕船截撥較爲便捷等語該兵役本年秋冬兩季米石前經溫承惠奏准改支一半本

色粟米赴通關運今因六七兩月雨水稍多道路泥
泞趕運不及自係實在情形所有該兵役秋冬米石
著仍支折色以資買食嗣後並著照易州兵米之例
由豫東漕船截撥卽令各該兵役自行轉運毋庸由
通倉給領俾免守候支放以示體卹該部知道欽此

嗣又據該處查明嘉慶十四年連新添差役一
年應食減半粟米共二萬八千二百八十餘石
再加例准每石應領耗米五升五合共耗米一
千五百五十餘石正耗一年通共應領粟米二

萬九千八百三十餘石如遇閏之年均需加月
支領咨准照豫估官員俸米之例於明春漕船
抵通派員前往兌運將十五年應領米石一併
截撥

一

東陵兵米奏改一半本色粟米每年二萬九千八百三
十餘石在於豫東二省到通漕船內截撥嗣經
戶部以豫東二省額徵薊糧每年尚有餘贖奏
准於庚午年起按年交幫搭運赴通以補截撥

漕糧數目河南省分運米石雇備民船裝運二
切應支潤耗行月銀米照密雲兵米之例辦理
其折色銀兩在漕項內動支本色米石在倉存
蓄糧內支領山東省分運米石照嘉慶十年起
運採買薊米每船五百石添雇船隻裝運隨同
正漕赴通交納照例支給行月潤耗本折及津
貼等項銀米

嘉慶十
四年

一嘉慶十四年奉

上諭截留北倉之米曾經飭令派委官員弁兵等在倉

外稽查而倉內是否乾潔有無他弊並無專員經管
因思直隸省試用丞倅佐貳甚不乏人著溫承惠遴
選明白勤幹者數員派赴北倉專司經理卽與各倉
監督無異來年運通時並著該員親身管押沿途稽
查偷漏攪水等弊如果始終出力著倉場侍郎奏明
量予鼓勵儻不實心任事卽叅奏懲處欽此嗣據直
隸總督於試用人員內選同知一員知州一員
通判二員酌帶佐雜二員前赴北倉聽倉場侍
郎派委辦理

一截留淮揚米石實在出力之員奏准獎勵將
總辦截漕事宜之江安糧道蔡齊明紀錄二次
經管國帑收兌之江西等省押運山陽等州縣
江南江西湖南等省領運各官弁均紀錄一次
嘉慶十
四年

一嘉慶十四年江西湖南二省漕糧奏明截留
北倉及寄撥到壩趕符回空例限該二省有年
滿例應在通拆變船八十八隻此項軍船不須
回空無虞凍阻改令原船到壩可省撥米七萬

餘石仍令原派之總運重運文武員弁押送到
壩以專責成其寄撥米石照例令本旗丁押送
赴通交兌奉

旨漕船冬兌冬開歸次例有定限本年回空首幫於八
月十七日渡黃而在後軍船恐有脫幫不能接續南
下此北倉截卸及楊村寄撥等事九月初十內外可
以一律全完惟沿途催儻緊要著直隸山東江蘇各
督撫派員一體嚴催務令跟艚行走迅速儻程歸次
勿令逗留脫空稍有貽誤等因欽此

一北倉截卸米石向由撥船轉運到通沿途無人經管以致諸弊叢生嘉慶十四年奏准東豫二省漕船每年二月抵通三月全行回空距受兌新漕之期尚早責令東豫二省軍船起卸正漕完竣卽赴北倉將截留之米再裝運一次該船既有官丁經管仍責令總運之員一體督押稽查可免撥船偷竊諸弊查北倉轉運每百石向由截留運丁給撥船雇價飯米折色銀七兩九分零又應給經紀名下每百石津貼銀二兩

五錢一併劃歸東豫船丁作爲運費此項先於
通濟庫墊發仍在截留各幫丁新運錢糧內扣
解歸款並責令截留運丁每石分給食米一升
東豫之船不致苦累如東豫單船不敷裝載應
將餘賸之米責令運丁添用撥船均勻分帶跟
隨幫船行走所有撥價等項卽由該運丁酌量
發給並責成天津道將應用撥船屆期豫備調
赴北倉接幫散給裝運赴通則不致有偷漏之
弊

欽定戶部漕運全書卷七十一目錄

截撥事例

截留撥運

截撥賑糶

截撥充餉

截留撥通

一北倉截貯米石廩板上鋪用蘆席

向係天津

縣預備雙層鋪墊四壁亦用雙層釘嚴牆外堆

撥責成天津鎮總兵派委弁兵晝夜防守該鎮

仍不時親身往來照料楊村寄撥事宜向祇通

判一員經理未能裕如嘉慶十四十五等年由

倉場侍郎奏委天津道暫駐楊村督率辦理

嘉慶十五年咨准湖南省嘉慶六年幫船行抵

漢鎮漕糧奉文截留陝西原船回次查覆六款

列後

一漕糧截撥陝省轉運米石援照乾隆十六年碾運浙江米石之例每石給經費米五合一每船支給安家米二十石原爲出運丁船安家之用免其追繳

一餘贖二耗米石派幫搭運又應追程途行月京腳銀兩准其分作三年在於各丁新運錢糧內照數追繳

一裁截陝省米石項下四耗米內一五給丁米

石在於交倉耗米內扣給

一截漕起運船隻領運千總准於漕費銀內按
正米每石支給銀五釐以爲盤費之用又隨幫
千總給廩工銀五十四兩養廉銀二十四兩
一守減每船回籍水手六名每名每站給銀三
分米一升每石折銀八錢

一豫東幫船裝運北倉米石到通比往年專交
撥船裝運米色俱屬乾潔專司經理各員在倉
住宿看守又於沿途管押稽查均屬始終出力

奏准將直隸試用同知西林等五員准其本班
先用業經補缺之通判江德沛給予議敘東豫
二省各幫總運通判及領運千總正漕之外又
運北倉米石一次比較往年勤勞倍著准其議
敘至剔出氣頭廢底米石未及一年與例未符
著落經紀等照額內掣欠價銀交納勒限二年

完交

嘉慶十
五年

嘉慶十五年南糧到通過遲倉場侍郎奏辦起
卸事宜共三款列後

一截卸北倉米四十萬石倉場侍郎等酌分一人前往督辦俟次年冰泮仍令豫東二省軍船裝運

一石壩暫囤米三十萬石楊村寄撥米三十萬石俟軍船掃數回空後自九月霜降日起至十月二十五日小雪以前全數起運進京

一通倉廩座本多約可貯米五六十萬石酌擬貯米四十萬石以期迅速回空

一嘉慶十五年直隸省被水成災各州縣倉貯

無多不敷動撥奏准動撥奉天小米二十萬石
以爲賑濟及次年春間糶借之用

一江西幫船截卸北倉撥給直隸放賑米石奏
准照轉運抵通米石之例旗丁每百石給經紀
飯米折色銀二兩津貼銀二兩五錢以恤役力

嘉慶十

六年

一嘉慶十六年幫船行抵靜海縣地方陡遇暴
風驟雨內杭嚴頭一海寧所等三幫受傷過重
奏准將該三幫米石截留北倉俾得就近卸竣

回空潮涇漂淌米石購備足數交倉俟全漕完竣卽用撥船運通趕進京倉運丁應出撥價飯米折色津貼等費及每石分給食米一升均照向例辦理仍一面派委文武員弁看守倉廩及起運時沿途管押以杜攙水偷漏之弊

一嘉慶十六年截卸北倉米八萬七千二百三十六石零卽用撥船起運到壩除津貼耗米八百七十二石零實運到米八萬六千三百六十四石零尙餘贍耗米七百九十石均屬乾潔並

無偷竊攪水等弊照嘉慶十三年辦過成案抵
交該經紀逾額掣欠如有餘賸照平斛粳米七
錢稜米六錢之例給價收買歸倉

一江南宿州兩幫漕船因洪湖水弱出口較遲
奏准在清河縣境內截貯令該幫丁每百石照
例貼出備耗米二石俟回空幫船南下將前項
截貯米石按船借給以爲飯米於丁船歸次後
另購好米搭運赴通交納內每船所借粟米二
石八斗令江浙各幫各隨地土所宜改購粳稬

米二石搭運同交其麥石仍令本幫收領下

搭解未行程途銀米分作兩年扣還

嘉慶十六年

一轉運北倉米石向用楊村官撥裝載每多偷漏攬水之弊嘉慶十四年奏准改用東豫二省回空軍船再行裝運一次嘉慶十六年北倉各廠亟應騰出興修不能等待東豫漕艘先用撥船裝載每米百石向給雇價飯米折色銀七兩九分有零究屬不敷難免偷竊等弊奏准將應給經紀名下每百石津貼銀二兩五錢及責令

截留運丁每石分給食米一升給與東豫幫丁
二項一併劃出轉給撥船船戶俾資運費仍飭
直隸委員並天津鎮及天津河道務關營叅將
通州協副將添派文武員弁多帶兵役沿途管
押倘有偷漏等弊卽行嚴拏懲辦

一嘉慶十六年奏

上諭王寧戴均元奏存貯通倉及截留北倉米石全數
運京完竣一摺嘉慶十四十五兩年暫貯通倉未經
運竣之米計二十五萬九千餘石又上年截留北倉

米四十萬四千餘石經該侍郎等派坐糧廳李鑾宣
在彼督辦現已次第轉運完竣據該侍郎等查驗米
色均屬乾潔並無虧短霉變及偷竊攪水等弊李鑾
宣一手經理妥協無誤著加恩交部議敘其另片保
奏直隸省並東豫二省管運出力各員請分別獎勵
之處直隸委員等在北倉一帶往來照料始終不懈
著加恩各照所請直隸候補同知汪彥國通判陸震
知縣閻樹從九品朱琬准其儘先補用通判加捐知
州裴輔廷准其儘先選用千總王秉忠倉大使陳枚

交直隸總督量加陞用其東豫二省總運通判領運
千總亦俱著照上年之例交部議敘所有餘贍耗米
一千三百十八石零准其照十三年成案抵交經紀
逾額掣欠如有餘贍仍照例給價收買歸倉其經紀
等應賠上年撥船沈涇米六百餘石並加恩准其豁
免該部知道欽此

一

東陵兵米遇閏月之年米數較多臨時聲請由正漕截
撥又該處受撥閘內米石委員及一切人役在

通守候不無糜費咨准嗣後山東省撥運米石

派撥開外船隻俾得迅速收兌

嘉慶十六年

一浙江杭嚴海寧等幫截留北倉米石前議東

豫丁船代運每石貼給食米一升嗣改撥船轉

運卽將前項食米貼給撥戶所有該幫欠交經

紀一升耗米無可劃抵仍令按數交納完款

嘉慶

十七年

一江南銅山蕭縣嘉慶十六年冬應運米二萬三千餘石因該處漫口河身淤墊未能由水運

抵次奏准緩至十七年冬交幫搭運

一嘉慶十八年江南銅山等縣本年應行起運並應徵熟田漕兵米石或因睢工漫口舟楫不通或因辦理防堵事宜致稽催納奏准銅山縣已徵漕糧緩至明年冬交幫搭運豐沛蕭三縣未徵漕兵米石緩至明年起徵交首進幫船搭運其蕭縣例撥蕭營兵糧五百五十餘石於銅山徵存米內支給來年徵還歸款

一河南省蘄糧項下截至嘉慶十七年冬運實

贍穀一萬七千八百餘石米二百餘石應留備
災緩之年奏運保雄等處兵米所有

東陵一半本色兵米二萬九千八百三十餘石咨准道

照奏案在於到通漕糧內截撥

嘉慶十八年

一嘉慶十八年倉場奏欽奉

上諭溫承惠奏籌辦兵糈一摺現在剿辦捕拏滋事匪
徒兵精緊要著先撥京通倉小米五萬石由水路運
赴大名一帶供用俟奉米到日照數撥還其沿途運
送事宜著章煦卽派員前來妥爲經理欽此查京倉

金匱要略卷之二十一
粟米所存無幾難以再撥應以通倉稂粟二色
儘數撥給不敷米石以稗米奏足兌給照各旗
領俸之例給與個兒錢文先於通濟庫墊發仍
由直隸解還歸款

一嘉慶十八年奉

上諭朱錫爵奏請於漕糧內撥運不敷兵米並截留附
近被災州縣漕糧備賑一摺東省每年額運兵米於
新徵薊米內起運不敷及遇有災緩例於大漕內撥
補本年額運及津貼兵米並不敷行月米共四萬七

千二百八十餘石除實徵米一萬七千一百八十餘石外計不敷米三萬餘石據稱因荷澤等二十四州縣漕糧全緩並應行採買之濮州等州縣連年歉收糧價昂貴現請緩買其原報買存之二千一百五十餘石亦因辦理兵差或正在防堵難於起運著照所請卽於漕糧內撥運動支至曹州濟寧所屬各州縣或受旱成災或被賊滋擾現屆境內肅清災民漸復亟應查辦撫卹據稱該處頻歲歉收又被賊擾害間閭資蓄蕩然此次撫卹應本折搭放亦屬實在情形

著照所請將附近災區之厯城齊河長清濟陽聊城
高唐汶上東安濟寧等九州縣本年漕糧內截留粟
米六萬石以備賑撫之用該部知道摺併發欽此

一遵化易州等處應需截撥粟米八千七百餘
石

上駟院等處約需粟米一萬二千餘石本年東豫
二省或分別緩徵或奏留備賑運通粟米無多
咨准於北倉應還通倉五萬石米內除撥給保
定等處兵米外其餘倉存粟米覈計已足並用

所有遵化易州等處粟米卽飭就近撥給

嘉慶十九年

一嘉慶十九年倉場奏請北倉截卸湖北江西等幫米四十四萬九千九百餘石來年運通令豫東二省軍船於正漕完竣後各添撥船將前項截卸米石再運一次所需船價飯米折色津貼等項銀兩於通濟庫墊發在截留幫丁新運錢糧內歸款其楊村寄撥之浙江江西等幫各船一經騰空卽行催趕南下奉

旨此項北倉截貯米石現已收貯完竣著責令直隸委
員駐彼專司經理毋任有霉折偷漏等弊其來年由
豫東軍船添帶撥船裝運交該幫丁管押赴通以及
照例支給船價飯米津貼運費並將應用銀兩墊發
歸扣之處均照所奏辦理再據巡視通漕給事中清
安奏應在楊村寄撥之九江後等三幫因空重軍船
擁擠尙在北倉以南停泊已將撥船全數發足飭催
起運等語現在節候已遲著該侍郎等卽嚴飭該官
弁趕緊撥運抵壩起卸以速回空毋得再有遲緩欽

此

一嘉慶十九年奉

上諭李奕疇奏來年搭運臨德二倉米石請令囤貯各幫量貼經費並籌濟回空食米一摺據稱本年江西湖南四幫半漕糧在臨清德州兩倉囤貯來年由南糧各幫分搭運通所有代運丁船未免賠累又現在米石由船上岸及來年由岸上船均需腳費請援照嘉慶十二年成案分別籌款給發分年扣歸等語此項截卸搭運米石向無經費自應預爲調劑所有來

年各省代搭運通丁船著准其照嘉慶十二年成案查照米數里數分別發給共銀一萬四千一百五十七兩一錢八釐卽在天津道庫存貯撥價項內墊支俟幫船路過楊村照數給領所墊銀兩在該四幫半應領錢糧內自今冬起分兩年扣還其上岸上船兩次腳費約需制錢六千二百餘千著照所請先由山東糧道庫內墊發一半銀三千兩發交該二處看米備弁作爲上倉囤貯之費來年搭運上船再行墊給一半事竣覈明飭撥此項執款亦在該四幫半應領

今冬新運錢糧內起分兩年全數扣還毋任延宕又據奏此次囤貯米石每正米一百石該旗丁需額外貼出耗米二石並留人照料費用較繁丁力拮据不能兼顧回空等語自係實在情形著加恩將該四幫半應交每石三升八合餘米共五千三百六十石零在於囤貯米石內劃出給丁俾資回空食用俟該幫等歸次後今冬照數購備來年搭運赴通交納以示體卹該部知道摺併發欽此

一嘉慶十九年奉

上諭吳璫等奏預籌轉運三進漕糧俾得迅速回空酌議各款內前二款請以楊村撥船運送抵通及在北倉囤貯再爲運通皆係積年辦理有案事屬可行其第三款請將山東河南等處軍船在臨清代爲撥運照料抵通此在江廣重船自可無誤歸次而豫東等處軍船往返耽延恐轉致凍阻北河似有窒礙著交倉場侍郎會同漕運總督妥議具奏欽此又奉

諭旨前據吳璫等奏籌運三進漕糧俾得迅速回空各款有旨交倉場侍郎會同漕運總督妥議茲阮元因限

期緊迫據咨先行籌議由驛具奏著將原摺發交倉場侍郎一併迅速議奏飭遵辦理毋稍遲延欽此嗣據倉場覆奏並請展限等因奉

上諭前據吳璚等奏預籌轉運三進漕糧一摺當交倉場侍郎等會議續據阮元因限期緊迫先行籌議由驛具奏亦卽發交倉場侍郎一併迅速議奏茲據榮麟等奏稱覈計撥船全數除留運銅鉛外儘數趕赴楊村一帶俟三進各幫入關卽一面在北倉起卸一面趕緊寄撥並將滿號船隻亦令載米抵通其借用

豫東軍船運通一條亦稱三進三十六幫一過津關無論江廣豫東軍船或在北倉截卸或令撥船寄撥總使就近回空不得稍有濡滯並恐趕辦期迫請將回空例限展寬十日等語該侍郎等所議總在計算無誤回空惟借船撥運一事皆因僨運不及不得已爲此下策此時山東直隸運河水勢旺盛足資浮送著阮元督飭三進幫船晝夜僨行勿令片刻停留俟到津時察看必須趕緊回空儘數起卸北倉並用撥船輪復轉運能使南北均無遲誤不致露囤傷米方

爲妥善其首進尾幫及二進幫船抵通後並著榮麟等速籌運倉庶早接辦運毋致積壓欽此

一應截二十年夏秋冬及二十一年春季分

東陵兵役等應支一半本色米二萬九千八百餘石並補截十九年閏二月米一千五百石原係在於豫東二省漕糧內截撥本年東省應運兵米業經奏准於漕糧內撥運而豫省應運米石因漕糧蠲緩截留並無起運咨准卽由東省正漕內全數指撥其豫省應運密雲兵米一萬一千六

百石亦准於東省到通漕糧內撥給

嘉慶十年

一直督奏保定等十二府州縣駐防官兵應需
嘉慶十九年俸餉米二萬七千三百九十九石
零向於東豫二省薊糧項下撥運因豫省十八
年薊糧緩徵並截留備賑東省亦不敷撥運請
在於應還通倉奉米五萬石內照數撥供所贖
奉米解還通倉經戶部查明豫省應運兵米一
萬三千五百九十一石零原經豫撫奏准在於
通倉撥給應准其照數動撥至東省應運米一

萬三千八百八石已據奏明在於漕糧內撥運
自應遵照辦理毋庸在奉米內撥給其餘贖奉
米卽飭解通歸款

嘉慶十
九年

一山東省應運保定等十二府州縣駐防嘉慶
十九年兵米一萬三千八百八石零查直隸順
廣大三府屬被災所需展賑及賞借口糧米石
現有天津囤貯奉米運交今東省應運保定等
處兵米由東省運至天津而奉米又應由天津
運至省南輾轉撥運多費運腳咨准將東省應

行運津兵米卽在臨清水次就近起卸令大名道監兌收貯分撥省南各州縣以備賑借其保定等處應需兵米卽在奉

恩賞撥奉米內飭令供支至東省應運保雄等處兵米向有閘內外河之分閘內三幫在臨清迤南赴臨順便至外河四幫除臨清一幫係在次兌運外其濟左濟右濮州三幫兌糧水次皆在德州距臨較遠應將閘內各幫應運漕米撥出運臨其濟左等三幫應運兵米仍歸漕糧運通

年

一嘉慶十九年奉

上諭據李奕疇奏請將三進在後幫船漕米二十萬石毋庸借用豫東軍船轉運按照成案暫貯山東臨清德州等倉來年搭運以速回空一摺三進漕糧除在楊村起撥及北倉截卸之外其餘米二十萬三百餘石若借用豫東軍船轉運赴通修艙需時往返耽延必至豫東漕船凍阻北河先誤受兌李奕疇奏請循照舊案在臨清德州等處倉廩暫行分貯俟來年重

運船隻分裝搭運較之阮元前議自屬妥協著卽照所奏辦理所有臨清德州兩處倉廩著章煦卽日派員趕緊粘修妥爲預備如該二處倉廩敷用先儘該二處囤貯倘有不敷再於東昌濟寧二處酌量分貯李奕疇卽將該四幫千總飭留東省會同各本處衛守備妥協經理並著章煦飭交地方文武員弁各派兵役常川稽查看管如有霉變偷竊短缺等弊嚴加處分以專責成將此由四百里諭令知之欽此

一嘉慶十九年東撫奏此次截留漕糧應貯臨

德二倉現已修補完整足數分貯等因奉

上諭章煦奏山東截卸漕糧臨清德州兩處倉廩足敷分貯一摺臨清德州二處倉廩既經該署撫飭屬趕緊粘修可期無誤所有截卸漕糧二十萬石足敷分貯著章煦即將起卸盤運各事宜先期妥爲籌備務期收貯合宜並派員嚴密看管如有受潮霉變及偷竊損失等弊將該管官嚴叅懲處欽此

一蘇省積年緩漕內銅山縣粟米一萬六千餘石應派坐兌之江北長淮兩幫分裝因該兩幫

有原裝米石加裝一倍難於駕運漕督奏准酌

分一半令該兩幫按船搭解其餘米石下年運

通

嘉慶二十一年

一山東薊糧並薊數碾米僅贖米七千八百八

十餘石不敷應運

東陵兵米之數應全數留備災緩之年湊搭保雄等處

兵米所有

東陵兵米遵照原奏在於抵通漕糧內截撥

嘉慶二十一年

一安徽無爲等州縣因災緩缺江省兵米一萬

六百一十石三斗六升六合二勺將望江等五
州縣漕南屯米一萬五百一十三石九升八合
四勺照數撥抵仍不敷米九十七石二斗六升
七合七勺於無爲等州縣本年秋成徵完災緩
米內徵解以濟兵食所借漕南屯米俟無爲等
州縣啟徵二十年本款屯米之日分別還漕搭
運

嘉慶二
十一年

一

西陵應需粟米向係在於河南山東幫船內截撥今河

南幫船據稱每船僅裝米六十餘石爲數零星
難以派撥所有

西陵每年應需粟米七八千石咨准在於江南幫船粟

米內照數截撥

嘉慶二十二年

一江西吉安撫州二幫嘉慶十八年截留豫東

二省漕米係在渡黃以北餘贖耗米准免追繳

該幫截留米數造冊遲延職名并免其查議

嘉慶

二十四年

一道光二年奉

上諭孫玉庭等奏籌備災缺兵精酌分上下兩江截
漕米數一摺前據孫玉庭等請於蘇常成熟州縣
內截米六萬石以供江寧兵匠恤孤等米之用業
經降旨准行茲據該督等請截撥附近江寧所屬
糧石以符六萬石之數著照所請蘇松糧道在於
常鎮兩屬酌量勻截米四萬石江安糧道在於江
寧所屬江浦六合及安徽附近州縣內截留米二
萬石以備支放俟本年秋成後於應解帶徵災緩
兵米內陸續撥還搭解通倉該部知道欽此

一浙江省杭州滿緣二營應用俸餉因仁和等
州縣被災蠲缺南糧不敷支放經浙撫奏請截
留漕米四萬二千石按數撥抵嗣因各州縣蠲
缺南糧無從徵補請照成案於截漕米內照數
作正開銷其緩徵南糧分年帶徵搭解運通歸
還漕欸道光四年
一易州供應

陵稻米石本年在於池州等幫截撥運送嗣因江淮等
幫磨淺價渡米石不無折傷計短交稜米一千

餘石經倉場奏准照京倉秬稷並放之例將三

進在前之處州後幫秬米找撥運送

道光五年

一道光五年倉場奏奉

上諭蔣攸銛奏察看催儻滯漕情形請酌定限期分別
釐運截卸一摺本年接運滯漕截至本月十二
日止未入直隸境者尙有十六幫之多現在節逾
小雪天氣日寒若北風驟起連檣凍阻進退無策
不免臨時周章自應酌定限期分別截卸北運河
船過津關寄撥到壩至速亦須旬餘著以本月十

五日爲斷已到津關者仍催令寄撥前進卽令原
船回空其十六日後始抵津關者卽令其在北倉
卸貯除北倉空廩四十餘座儘數存貯米四十餘
萬石外所有倉廩院內地尙乾燥亦可囤貯一二
十萬石如再不敷卽援照成案於天津地方行店
廟宇暫行囤貯其南運河河水日耗占淺之處極
多向於大雪前後河水凝結現距大雪僅有半月
若幫船未能銜尾而來卽不能全數抵津著以十
月二十五日爲斷已到直隸景州安陵汎境者仍

押催北上趕至津關卸貯其將到安陵而尙在山東境者卽查照向來成案就近截卸山東德州囤貯其直隸故城縣運河又在德州以南著以十月二十日爲斷如尙未挽到故城者卽將幫船截留山東臨清囤貯以便軍船卸載回空著博啟圖申啟賢武隆阿各援照成案分別妥速籌辦毋得互相推諉以致凍阻中途蔣攸銛仍嚴飭該鎮道等將在後幫船迎提分段節催速益加速總期多一幫寄撥赴通卽少一幫截卸北倉多一幫趲入直

境卽少一幫卸貯山東不得因定有限期稍爲懈
忽現在風高物燥火燭堪虞所有回空守凍卽著
派分數處停泊並遴委文武大員親駐河干稽查
彈壓毋令滋生事端至各幫丁力疲乏本年在淮
河起撥挖淺及盤壩撥運一切空包抗袋之費係
旗丁自行措辦現又接運北土實因盤壩過遲並
非該幫丁辦理不善所致若僅例給水腳口糧別
無津貼將來守凍又須數月之久口食無資著該
署漕督穆彰阿隨時察看情形酌量調劑總期幫

丁不致十分苦累水手等沿途俱各安靜此爲至
要將此諭知博啟圖等並諭蔣攸銛知之欽此

一道光五年奉

上諭蔣攸銛奏湖南尾幫已於十月十七日催入安
陵汛境現已開倉數日聞每日起米無多若驟起
北風斗級人等斛量必不靈便益致遲緩卽載之
船旣不能退出回空在後幫船亦不能移前起卸
船多擁擠一處等語現在卽節交大雪糧船全數
抵津暫行囤貯俟開春撥運著申啟賢多派經紀

斗級人等勒限趕緊起卸須較北壩卸米每日三萬石之數分收加倍務於未凍以前全數完竣其楊村寄撥軍船現已陸續回空挽過津關北倉截卸幫船亦飭令卸完一幫卽押開一幫速益求速總之卸米之數愈多愈妙押開之幫愈早愈好並責成天津鎮總兵克什德添派卸署河間協副將袁寶往來南運河一帶督同沿河卽委文武節節迎提催儻務期全數趕出直境倘河冰將結仍遵前旨將未出境幫船分派數段於寬闊地方停泊

遴委將備等親駐河干支搭帳房備齊槍械巡查
彈壓以壯聲威而期靜謐將此諭知申啟賢並傳
諭克什德知之欽此又奉

上諭申啟賢奏北倉起卸情形一摺各倉運米入廠
抗價向由旗丁自給北倉距河干稍遠現在趕辦
起卸勢須多集人夫加添解隻幫船排列愈遠抗
價愈增旗丁不免苦累自應量加調劑該漕督遠
在江南籌辦不及著申啟賢督同天津道鄭祖琛
就近籌款分別覈實給發將來仍由漕督照數撥

還歸欵刻下重船無虞凍阻其空船守凍及安國
收米各事宜俱著趕緊妥爲辦理該部知道欽此
一道光五年倉場奏北倉截卸江廣及浙江各
省重運旗丁等盤壩截卸一切苦累遵奉

諭旨籌款動撥以資接濟查北倉截卸杭嚴頭等十
八幫計旗丁七百九十八名每名借給銀二十
兩共需銀一萬五千九百六十兩請在天津道
庫海稅項下暫行動撥給發咨照漕督在於各
省新漕項下分作兩年扣還並飭各糧道先行

籌項解交天津道庫歸欵

一杭嚴二幫起運粳秈米石內有應交粳米二千二百餘石因在河口盤壩連夜受戢誤將粳米一千七百餘石倒入仙米倉內請卽以仙米

抵交經倉場奏准該幫丁等盤撥苦累無資更換卽以秈米多收之數抵粳米少收之數

道光五年

一河南省碾運倉穀第四批粟米五萬石至津節逾大雪難以北上經倉場奏准截卸北倉並將各船戶短運到通水腳銀兩按數扣繳以備

來春東豫幫船灑帶運通之需

道光五年

一戶部議覆直督奏良鄉駐防兵米因通州陸

運經由石道折耗過多請由天津水運至琉璃

河再由陸運至縣運腳較省且免折耗奏准自

丙戌年爲始將豫東二省停運薊糧項下向來

運赴通州兌收之良鄉兵米一千二百三十餘

石照霸州東安之例改於天津水次令該縣領

運

道光五年

一道光五年九月二十一日奉

旨本年南糧盤壩稽遲現在尙有一百三十餘萬石
未經到通天氣日寒恐致凍阻貽誤節經降旨飭
催茲據博啟圖等籌酌起卸僨運各章程分晰具
奏著照所請除書役經紀人等責成該侍郎嚴查
刁勒索之弊勿致稍稍遲務外所有頭進軍船
接運江廣各幫著仿照向年由楊村寄撥之例全
數寄撥北上仍令原運旗丁押運赴通交卸其應
給撥船腳價飯米等項均令原運旗丁照向例辦
理軍船卽令就近回空俾免阻滯至轉運米石由

大通橋全運城內各倉恐致趕辦不及現在城外
太平裕豐萬安儲濟四倉尙有空廩數十座著由
大通橋於分運各倉米石內准以一半於該四倉
暫行寄囤俟漕務完竣再行陸續運進各倉至在
後江廣各幫挽過津關時著酌量天氣寒暖其已
到楊村起撥可以來通者於通倉暫貯未到楊村
起撥者於北倉暫貯統俟來春冰泮查照舊章轉
運京倉其一切腳費俱著查照舊案辦理至小雪
前後河冰初結仍可打冰前進不容任其逗留如

幫船挽過津關行至楊村寄撥卽打冰催僨撥船
運壩起卸飭令原船回空倘幫船挽過津關去北
倉較近卽打冰趕赴北倉截卸惟需用人夫衆多
著蔣攸銛派委地方官沿途撥派人夫以備隨時
打冰之用如將來有截卸北倉之米著申政賢屆
時前往查驗督辦無使書役人等乘機舞弊方爲
妥協欽此

一易州應截白糧米石輪應蘇幫該幫已歸海
運嘉白幫又輪派酌糧咨准在於湖白幫內截

金史卷一百一十五 食貨一
撥俟該幫抵津責丁運至白溝河倉兌收

道光六年

一道光七年九月

孝穆皇后梓官奉安陵寢應添員役約計一年所需

正耗粟米二千七百五十餘石又應併撥一年

共應撥粟米五千五百餘石咨准在於豫東一

省道光七年運通米內照數派撥

道光六年

一道光六年倉場奏准河南粟米五萬石上年

截卸北倉計至通埔未行程途應交還腳價銀

一千一百餘兩所有前項截卸米石俟開春東

豫軍船路過北倉令其灑帶運通卽以河南應
還腳價銀兩作爲貼併灑帶之費現未解到又
由倉運船抗腳需銀六百兩因無閒款可籌均
請先於通濟庫墊發俟解到一併歸款

一易州每年應需粟米因南糧盤壩接運較遲
恐江南粟米趕辦不及由倉場改派濟左幫截
撥米六千餘石據漕督咨稱東省旣經截撥

東陵并密雲等處兵米現在江南幫船來直較早請循
舊在於江南幫內截撥經部查明東省幫船較

江南幫船來直尤早所有

西陵應截粟米卽在於山東幫船內按數派撥

道光七年

一易州應需供應

陵精粟米前因東省幫船分裝米麥豆三項若俟船到北河始行飭知湊撥米數勢必將各船粟米歸併過載不無耽延拋撤東撫咨准仿照撥運密雲等處兵米成案派定外河先進之德正濟左濟右臨前臨後五幫又東昌濮州東平作爲一幫共成六幫照依酌定幫次過而復始輪流派

運以免臨時周章如遇災緩年分應派之幫粟
米不敷隨時改派下年補運又派撥易州粟米
向有由倉場酌派山東河南江南等省之案今
東省既請以六幫派運應俟輪派兩週之後再
行改撥江南河南屆期咨商覈定

道光
八年

一道光二十五年欽奉

上諭程喬采奏衛河水勢漸落請多備撥船接運等語
著訥爾經額卽飭天津道封雇寬大民船迎至天津
以南安陵以北一帶水次撥運抵通俾江廣在後漕

船及時南下免誤回空毋稍遲忽欽此

一道光二十七年欽奉

上諭楊殿邦奏請飭豫籌備撥章程等語向來糧船挽入直隸境內間用例設撥船接撥本年水涸異常撥船不敷若在安陵一帶覓雇民船又屬不易現在權宜之計飭令山東各撥船接撥前進以期無誤倘嗣後沿河州縣恃有此舉於備撥挖淺一切要務視為緩圖殊非慎重辦公之道著訥爾經額先事籌畫妥立章程嚴飭沿河各州縣諭以轉瞬新漕屆臨務須

實力備辦毋得援此次山東接撥之案任意推諉以
速漕運而杜流弊欽此

一道光二十七年欽奉

上諭李星沅奏購米運豫濟賑請飭豫省委員迎護等
語此次江蘇購買米石運豫接濟甚關緊要著鄂順
安先期遴委妥員前往交界地方迎候未入豫境責
成江蘇委員已入豫境惟豫省委員是問責有攸歸
各宜加意防護無得疏虞干咎欽此

一咸豐二年欽奉

上諭訥爾經額奏籌辦迎撥南漕並動用解歸原借海
稅銀款發給放空口糧一摺本年南漕入東過遲前
經降旨飭撥楊村船隻迅往撥運茲據奏稱遵調楊
村官撥一千隻赴臨清州供撥另調官撥一百隻赴
安陵一帶迎撥所需放空口糧著准其在海稅解部
項下動撥銀八千二百五十兩以濟要需事竣照例
扣還歸款至所稱撥船在途守凍議給口糧臨時體
察一節仍著該督嚴飭領撥各員星速迎撥即使河
水稍凍亦須設法打冰撥運總期多到一船卽多收

一船之米儻因節候過遲竟不能全數抵通天津北
倉尙可截卸斷不可以守東爲名遲延觀望徒致虛
糜撥費仍無益於倉儲也欽此

截撥賑糶

一乾隆四十四年十月欽奉

諭旨朕明春巡幸江浙所有供宿頓次皆出自帑項絲毫
不以累民第扈從官兵以及外省接駕人等輻輳雲
集經過地方米糧價值恐一時或致騰踴著照從前
之例於江浙二省冬兌漕糧內各截留十萬石在水
陸駐蹕地方分廠平糶卽令漕運總督及各該督撫
妥協辦理該部卽遵諭行欽此

一乾隆四十四年十一月欽奉

諭旨安徽省所屬之亳州蒙城暨下游鳳陽泗州各處
低窪地畝本年秋間被水前經諭令該撫等按照災
分輕重分別給賑各處貧民自可口食有資但念本
年被水處所卽係上年被災之地昨歲曾撥運川米
十萬石分給平糶是以米價不致過昂令該處仍復
被水恐明歲青黃不接之時災地窮黎究不無拮据
該省潁州鳳陽泗州三屬及六安霍山二州縣今歲
俱多豐熟與各災地相距最近著該撫卽於各處應
徵漕米內加恩截留三萬五千石預備明歲減價平

糴以濟民食該部卽遵諭行欽此

一乾隆四十五年八月欽奉

諭旨本年直隸雨水頗多各州縣間有淹浸之處現雖漸次涸出而被水地畝收成不無歉薄朕心深爲軫念著加恩於天津水次截留漕船十萬石存貯北倉以備直屬分運賑恤之用俾貧民口食不致拮据以副朕軫恤窮簷至意該部卽遵諭行欽此

一乾隆四十五年八月欽奉

諭旨前因直隸雨水過多被淹地畝不無歉薄曾降諭

旨截留漕糧十萬石以備賑恤之用今據鄂寶等奏漕運遲到著再截留二十萬石存貯北倉既可令其早爲受運卽以備接濟直隸各屬賑恤或補州縣倉儲亦屬兩便該部卽遵諭行欽此

一乾隆四十六年七月欽奉

諭旨本年六月江蘇崇明縣猝遇風潮被災較重貧民口食未免拮据著加恩於蘇屬本年應行起運漕糧內截留十萬石以備賑濟平糶副朕賑恤災黎之至意該部卽遵諭行欽此又奉

旨據袁守侗奏天津靜海二縣窪下地畝勘明一隅偏
災所需賑米請將奉天海運溢額餘米賞撥等語著
照所請卽將本年奉天海運溢額餘米二萬二千餘
石賞撥天津靜海二縣以爲賑恤之用該部卽遵諭
行欽此

一乾隆四十六年十一月欽奉

諭旨本年江蘇徐州府屬沛縣睢寧豐縣銅山邳州宿
遷等州縣被災較重已屢經降旨准撥藩庫糧道庫
銀五十五萬兩現又據薩載奏准其於兩淮鹽課應

解部銀內再行動撥銀五十萬兩以資賑恤第念該處米穀恐尙不敷賑糶著再加恩於淮徐各屬本年應行起運漕糧內截留五萬石以備賑濟平糶之用該督等務須督飭所屬查明災地情形分別賑糶實力妥辦俾小民口食有資毋使一夫失所副朕軫念災黎至意該部遵諭速行欽此

一乾隆四十七年八月欽奉

諭旨據明興奏兖州等府州屬被水地畝現在籌辦賑濟請將江西重運幫船截留米二十萬石以備賑需

等語今歲江西漕運抵津較遲東省既需截留自應如該撫所請辦理至該省現辦賑濟如需用米石較多不妨多爲籌備卽於江西幫船內截留米三十萬石更可以資接濟著明興酌量辦理欽此

一乾隆四十七年十月欽奉

諭旨據薩載等奏徐州海州淮安所屬本年被災較重請於江屬成熟州縣截留漕糧八萬石等語江省所屬因下游漫水連被災浸疊經降旨加恩賑恤需用米石較多著照該督等所請於江屬成熟州縣內就

近截留漕糧八萬石以資接濟欽此

一乾隆五十年三月欽奉

諭旨畢沅奏豫省河北一帶各屬倉儲因連年積欠蠲免散給存貯無多請於豫省應行起運米豆內截留十一萬餘石並於山東起運漕糧內就近截留八萬餘石方足二十萬石之數以備接濟等語河南衛輝一帶近歲被有旱災疊經降旨蠲免展賑俾窮民得資糊口現在尙未得有雨澤朕軫念災黎無時稍釋自應寬爲儲備倉糧以供賑借之需竟著於豫東二

省內截留漕糧三十萬石若東省酒糧不敷卽於南省就近各幫漕糧內撥給俾資接濟該部卽遵諭行
欽此又奉

旨畢沅奏衛輝一帶被有旱災請截留漕米二十萬石以資賑貸計截豫省臨前平前平後三幫米豆五萬餘石臨後徐前徐後三幫米豆六萬餘石並請在山東起運漕糧內截留粟米八萬石以足二十萬石之數等語衛輝一帶被旱已久窮黎口食維艱雖屢次加恩展賑卽此時或得雨後尙須酌借籽種口糧不

可不急爲籌畫朕正慮及此而前次何裕城竟未見
及畢沅所奏甚是已明降諭旨著於豫東兩省漕糧
內竟給三十萬石若東省漕糧業經起運不敷添撥
卽於附近南糧撥足三十萬石之數前於豫省河工
緊要衛輝旱災急宜籌辦是以將畢沅調任該省巡
撫今該撫因河北各屬倉儲連年積歉蠲緩散給存
貯無多而別府州屬又多不通水路輓運維艱卽請
截留漕糧並恐軍船遲滯卽著雇民間小船往返遞
運其所截山東漕糧亦一體雇覓民船撥運該撫甫

經蒞任所思卽能如此周到實爲盡心民瘼自可感
格

天和以期速沛膏澤朕深爲慰幸畢沅可嘉現在畿輔
一帶連日得雨雲焦廣闊豫東二省或亦當普被甘
霖但上年以來山東曹州各屬雨澤稀少不爲豐
足今截留山東之半以濟河南恐山東之民不無向
隅之歎如近日得有透雨麥苗可以補種齊全無需
接濟則可若仍未得雨山東亦有應行接濟之處亦
未可知著傳諭毓奇明興會同商酌密行籌辦或酌

留南省附近漕糧十萬石以備需用其應撥豫省糧石或軍船現已北上卽以首運南糧內照數截留撥給豫省備用毓奇明興務須詳細籌酌妥協辦理仍將酌辦情形迅速覆奏欽此嗣經毓奇等奏東省應運通倉漕糧米豆共三十餘萬石尙未開行今撫臣畢沅奏豫省被旱請截留倉糧蒙

恩著於豫東二省漕糧內撥給三十萬石除豫省已截留本省米豆十二萬石外應在東省漕糧內截留十八萬石查東省關內關外起運漕米約共

十七萬餘石盡數截留如有不敷請照河南所
奏米豆併截以符三十萬石之數并令多覓小
船分作兩起遞運其撥運水脚飯米卽責令該
弁丁照楊村起撥之例一體自行給發

一乾隆五十年五月欽奉

諭旨江蘇淮徐海三屬本年雨澤愆期二麥收成歉薄
現距秋成尙遠農民未免拮据所有被旱最重之銅
山豐縣沛縣蕭縣碭山邳州睢寧宿遷安東阜寧桃
源十一州縣實在貧民著借給三月口糧被旱次重

之清河鹽城海州沐陽贛榆五州縣貧民著借給兩
月口糧以資接濟再該處州縣倉儲頻年賑貸所存
糧石無多其淮安一屬著該督撫就近酌撥調劑所
有徐海二屬臨近豫東二省地方糧價不無昂貴著
於邳宿一帶水次截留漕米十萬石以八萬石分撥
徐州各屬二萬石分撥海州各屬以備賑貸之用該
督撫其實力奉行以副朕軫念災黎無使一隅失所
之至意該部卽遵諭速行欽此又奉

旨據毓奇奏東省截留漕糧二十萬石應於各幫中擇

其疲乏者酌派截卸庶賑貸民食之中并寓調劑疲
丁之至意又據阿那布奏衛河水小多有淺阻撥船
行走不能順利且窮民盼賑孔殷可否卽在南糧首
進前數幫內先行按數截留應用各等語毓奇所奏
本爲調劑疲丁起見但伊身在淮安未知衛河水弱
漕船行走濡滯情形今旣據阿那布奏稱河水淺阻
撥船艱難自係該處目擊實情卽應在首進前數幫
內先行按數截留應用則漕船旣可不致守候待撥
而應賑各屬羣黎嗷嗷待哺俾得早沾一日之惠早

得一日之益較爲妥便著傳諭明興阿那布郎將現
在東省首進數幫酌量沿河就近水次截留備用迅
速辦理使災氓早沾渥澤副朕勤恤民隱至意若不
敷截撥之數再於毓奇所奏首進後幫湊撥足數現
又有旨於江南截留漕糧十萬石以備賑需卽可在
於毓奇所奏將大河等疲乏各幫照數酌派截卸以
紓丁力倘此數幫已行過江省亦不必轉回截卸卽
於續進幫船內酌量妥辦截留以省牽輓之勞總之
以便民便軍爲要將此由六百里各諭令知之欽此

又奉

旨據書麟奏安省被旱地方較廣旬日內卽得透雨雖
仍可有收而鳳潁泗三屬乃積歉之區必須預籌接
濟請於三進幫船內截留漕米五萬石以備賑糶之
用等語安省亳州鳳陽等各屬上年被水歉收本年
又復雨澤愆期業經加恩分別借給籽種口糧諭令
該撫實力妥辦速籌接濟以紓民力今各該處尙未
得有透雨農民望澤孔殷未免情形拮据自應寬爲
儲備俾資賑恤著照所請於三進幫船內截留漕糧

五萬石存貯備用該部遵諭速行欽此

一江省徐海二屬應截留漕糧在宿遷交界候
撥幫船內擇其貧乏之幫截卸以備賑貸酌將
江淮二廬州二太倉後等三幫裝運米十一萬
六千三百石零截留徐州水次八萬石海州水
次二萬石其太倉後幫尚有截剩米一萬六千
三百石零儘數起卸分貯徐海二屬計各多米
八千餘石該幫軍船得以及早回空

乾隆五
十年

一東省截留漕糧二十萬石以資賑貸嚴計揚

州二至長淮三等七幫共裝正耗米十七萬三千餘石尙不敷米二萬六千餘石應於後跟之大河二幫共裝米二萬八千餘石除湊足二十萬石之外計截卸剩米一千五百餘石照乾隆四十七年東省截留之案一併卸交濟寧水次俾通幫空船早行歸次更可裕賑貸而紓丁力

乾隆五

十年

一乾隆五十年六月欽奉

諭旨前因安省亳州等屬雨澤愆期農民不能趕種大

田情形拮据屢經降旨加恩撫恤並令截留漕米五萬石以備賑糶之用本日據薩載奏當塗巢縣靈璧亳州蒙城盱眙五河滁州來安和州等州縣均於六月初一初四等日得雨五分至一二寸不等其餘寧國旌德廬江霍邱太和天長廣德等州縣均報俱未得雨等語看來安省亳州蒙城等處業已被旱成災將來尙需賑恤口糧以資接濟又據管幹貞奏江西十三幫漕船現俱抵清河縣境銜尾待渡約計六月底七月初可以全數渡黃等語江西各幫船身較重

現在甫經渡黃恐不能抵通著於尾後各幫內再截
留漕米十萬石交與該督撫以備安省賑恤之用該
部卽遵諭行欽此

一安省截留漕糧以資賑貸卽於三進最後守
候渡黃之江西幫船內迅速截卸十萬石將饒
州永建二幫共計裝米九萬六千六百七十石
零全行派截尙不敷米三千三百二十九石零
於後接之袁州幫船內找足以符十萬石之數
再饒州永建兩幫除截留之外尙有失風虧折

米石咨明臨倉買餘抵補今該幫既已截留所
有三升八合餘米已作正派截交倉無餘可買
緩俟下年抵通再行買餘完納

乾隆五
十年

一乾隆五十年七月欽奉

諭旨據劉義奏本年直隸大名等十州縣雨澤愆期冬
春賑借需用較多請截撥漕米十萬石以資賑借等
語著照所請卽截留漕米十萬石交與該督分撥大
名各州縣以備賑借之用該部卽遵諭行欽此

一乾隆五十一年正月欽奉

諭旨上年山東兗曹濟寧等府州屬雨澤愆期被旱成
災業經降旨賑恤緩徵俾窮黎口食有資不致失所
第念今春正賑已畢青黃不接之時仍恐民食不免
拮据著再加恩將嶧縣定陶濮州范縣觀城朝城荷
澤聊城莘縣九州縣並坐落衛地被災七八分之極
貧次貧於例賑外再展賑一月以濟民食其六分災
之貧民及勘不成災之德州長清新泰萊蕪東阿東
平平陰泗水滕縣陽穀壽張鉅野鄆城蘭山郯城費
縣蒙陰沂水堂邑茌平恩縣益都昌樂壽光昌邑濰

縣金鄉魚臺嘉祥等二十九州縣並坐落衛地著該撫查明實在無力農民酌借一月口糧以資接濟至該省散賑需用米石甚多卽勘不成災各州縣亦需借糶兼行所有截留南漕二十萬一千餘石尙恐不敷給發又豆石一項亦爲民間口食所必需著再加恩將東省本年應行運通米豆儘數截留該撫務飭所屬實力妥辦以副朕軫念窮黎恩加無已之至意該部卽遵諭行欽此嗣據山東巡撫咨濟寧等州縣有帶徵四十九年漕米七千二百七十二石七

升九合七勺隨徵支軍潤耗米二百九十石九斗五升八合九勺又五十年隨徵潤耗米九千二百七石三斗七升六合二勺因正漕全數截留並無出運之船請一體截留俟下屆分別運

通支軍

乾隆五
十一年

一湖北省嘉慶五年額徵正耗漕米一十五萬一千二百二十六石有奇又帶徵元二兩年正耗米一十二萬七千七百九十餘石共米二十七萬九千餘石以本省額設糧船起運每船計

須裝米一千五百五十餘石礙難受載奏准於
帶徵米內截留米六萬石寬爲貯備嗣因該省
被賊擾害民力拮据奏請將其餘帶徵米六萬
七千七百餘石一併截留以備賑恤

一山東省嘉慶八年荷澤等州縣衛俱被黃水
淹浸奏准將閘內漕糧米麥豆除蠲緩外實應
運十三萬餘石酌留本省以備賑濟之用扣存
潤耗米石俟買補起運年分支軍濟運

一兩江總督鐵保等奏川省買運京倉米三十

萬石前令川省原船運通今查川省船隻從未
經歷開壩諸多不便刻下揚州淮安一帶米價
漸昂請截留米一十五萬石在揚州一帶平糶
所賣價值秋收後另買新米其餘十五萬石交
揚州等府於各縣倉小心存貯統交明年糧船
搭運抵通欽奉

上諭淮揚一帶糧價較昂正需辦理平糶將此項米石
暫留十五萬在揚糶賣實屬一舉兩得著照所請辦
理所有奏請存倉米十五萬石此時亦不必存倉著

知會阮元委員運往浙省地方一律平糶糶出價值
均著俟秋後另買新米各交明年本省糧船搭運抵
通等因欽此

嘉慶十年

一嘉慶十八年奉

上諭本年直隸省南各府州豫省河北三府及開封府
所屬各州縣雨澤稀少麥收歉薄糧價增昂山東省
雖現已得有澍雨其從前被旱之區間閭元氣亦未
能驟復著加恩於南漕江西尾幫內截留稜米十萬
石撥給直隸河南各四萬石山東二萬石交溫承惠

長齡同興各派委員於水次近便處所兌收分運該
督撫各酌量地方情形調劑散放俾窮民餬口有資
免致失所用副朕惠愛黎元有加無已至意該部卽
遵諭行欽此又奉

上諭本年直隸順德廣平大名三府暨定州等屬雨澤
愆期節經降旨借給口糧並緩徵錢穀等項前月復
截留漕米四萬石交溫承惠敷實散放俾小民均資
接濟惟現在節過小暑該處未據續報得有透雨秋
禾播種已遲朕心深爲廕念著再加恩令和寧於奉

天省官倉內撥粟米二十萬石照例由天津寧河二縣僱備海船前往傾載並於湖廣漕糧內再截留稔米五萬石通至直隸南三府附近水次溫承惠飭屬兌收分運以備賑卹災黎之用該督卽認真經理務令實惠及民以副朕懷保惠鮮有加無己至意欽此

一嘉慶十八年河南省截漕四萬石已撥被災各州縣備賑米二萬六千石其餘米一萬四千石改撥軍需以濟兵食應需賑糧照例另籌折給

一嘉慶十八年山東省截漕二萬石據該撫奏稱該省自經澍雨可卜秋成貧民已給口糧現在無虞乏食請將截漕米石分貯濟寧一萬二千石東昌八千石責成該府州擇定倉廩加謹收貯以備來年平糶之用

一嘉慶十九年奏

上諭那彥成奏懇將天津北倉卸貯奉米撥給二萬二千餘石留直平糶等語直隸省現在米價增昂各州縣應需平糶之處甚多著加恩將上年卸貯天津北

倉奉米應還通倉米石內除尙未運到並抵撥各處
支用外餘存米二萬二千餘石均留於該省作爲各
處減價平糶之用該部知道欽此

一嘉慶二十二年奉

上諭本年直隸保定一帶地方雨澤希少恐秋成未能
一律豐稔來春青黃不接之時乏食貧民有需接濟
之處著李奕疇於湖南最後尾幫內酌留稔米十萬
石截卸天津北倉備用並著嵩年將舊有廩座先行
查勘有須粘補者卽派員速爲修整俾免滲漏貯倉

後照例派人嚴密看管儻此後雨澤應時秋禾有收
明春無須接濟將此項米石於明歲豫東幫船到津
時交令搭運赴通等因欽此又奉

上諭李奕疇奏截卸糧米懇將尾零米石全數卸貯一
摺湖南糧艘係最後尾幫本年應交倉米共十一萬
七千九百餘石今於天津北倉截卸十萬石若將餘
零米一萬七千九百餘石復令運通交納未免歸次
先後參差著照所請准其一併卸貯北倉該部知道

欽此

一嘉慶二十三年奉

上諭方受疇奏豫東未經運到協撥米石直省無需動用可否徑運通倉一摺上年直隸地方被旱經朕特沛恩施賞撥湖南稔米十一萬七千九百餘石復令豫東二省各協撥粟米八萬石均運赴天津北倉預備賑需現除各屬大賑覓賑動用外尙積稔米一萬四千九百八十一石零豫省已運到粟米五萬四千五百石東省已運到粟米五萬石統計米十一萬餘石據該督覈明足敷今春借糶接濟之用所有河南

未經運到米二萬五千五百石山東未經運到米三萬石毋庸再運北倉著卽徑運通倉交卸以資儲備又另片奏大興宛平兩縣支領通倉稜米一萬石應由北倉撥還現在北倉稜米祇有一萬四千餘石所有應撥稜米一萬石可否仍留直隸等語此項應撥還通倉稜米一萬石准其留於直隸備用毋庸運還通倉該部知道欽此

一嘉慶二十四年奉

上諭現在永定河漫水下注下游各州縣被淹辦理賑

卹需用米石不少著那彥成等查明江廣尾幫各軍
船已過楊村者概令寄撥運通其尙在楊村以南各
幫船著與方受疇會商約計應需賑米若干卽將該
軍船所載米石截卸北倉交延豐幫同料理派員看
守其軍船卽由彼回空方受疇覈計何州縣需米若
干飭令徑由北倉分晰領運等因欽此嗣據倉場奏
請將江廣最後之九江前等五幫洪斛米十八
萬餘石照數截卸北倉奉

上諭那彥成等奏料理截卸北倉米石以備賑卹一摺

江廣在後各幫船現在均已行抵天津那彥成等會
商將最後九江前鉛山湖南頭二三等五幫共洪斛
米十八萬石除撥給滄州駐防兵平斛米一萬餘石
外其餘十七萬餘石截卽北倉已足敷用著卽照所
請如數截卽妥爲存貯一面知會方受疇查明某州
縣應需正米若干派員分領運往可也欽此

一嘉慶二十四年直督奏本年永定河漫口被
淹各州縣應需賑濟等因奉

上諭方受疇奏約計應放大賑銀米數目一摺大興等

州縣被水地方除已設廠煮賑外降旨令方受疇將應放大賑事宜確實覈計約需銀米若干先行具奏茲據該督查明被災較重應行賑濟者大興等十餘州縣約需賑銀二十萬兩該省藩庫足敷動支所需米石大宛二縣就近由通倉動撥其餘固安等州縣應需米石該省尙有舊存賑餘米八萬一千一百餘石仍需米十萬石著卽於本年截卸北倉米石如數撥給該督派員分投領運其大宛二縣賑務著劉鎮之等督率經理固安等州縣賑務著方受疇督率經

理各按應賑戶口覈實散放務令實惠及民用副朕軫恤災黎至意欽此

一嘉慶二十四年長蘆鹽政奏准截卸江西九江等五幫洪斛米十七萬餘石分貯北倉內十萬石分派被水州縣領運備賑仍存米七萬餘石暫貯北倉以備被水州縣加賑平糶

一嘉慶二十四年奉

上諭程國仁奏東省辦理賑務懇請酌留漕糧一摺本年山東省各屬被淹前經降旨分別賑卹所餘糧石

自應豫爲籌備茲據該撫奏請循照嘉慶八年成案酌留糧石以備明春加賑之用著照所請准其將泰安等三十八州縣間內應兌運米麥豆十萬三十六百六十七石零留於本省以濟賑需該部知道欽此

一道光三年奉

上諭蔣攸銑奏懇恩撥留南漕一摺所奏甚是直隸省頻年災賑現值雨水過多田禾未免受傷恐致糧價日昂購買不易農民口食維難自當豫爲籌備著照該督所請准其截留江廣幫漕米四十萬

石卽飭令該幫弁於糧艘過津時如數截貯北倉
隨時奏明撥用以濟民食該部知道欽此又奉

上諭蔣攸銑奏請再截留江西漕糧一摺本年直隸
各屬被水之處較多業經降旨截留漕米四十萬
石並撥運奉天粟米以資賑濟茲據蔣攸銑奏稱
災區日增恐米石不敷支放再請籌撥著漕運總
督迅將九江後幫在前軍船及吉安撫州二幫船
糧米飭令全行截卸天津北倉豫備撥用毋稍延
誤欽此

一 道光三年戶部議撥通倉米石賑濟經直督奏奉

上諭顏檢奏本年應行展賑州縣半在省南距通倉遙遠請截撥豫東二省運通粟米以資展賑等語著照所請准其在於豫東二省粟米內撥米十八萬石截卸天津北倉該督卽分飭各州縣就近運回散放所有原撥通倉米石卽行停止撥運該部知道欽此

一 道光三年奉

上諭前據顏檢奏災民待哺情形經朕降旨准其將豫東二省現運麥五萬五千餘石照數截留北倉抵米散放此項麥石內有豫省額運白麥一萬石係每年貯倉備內務府光祿寺二處取用今該督全行截留將來內務府等處取用無可支放現在此項白麥自係甫經截留尙未散放該督接奉此旨著將現經截留豫省所運白麥一萬石仍行裝運赴通交收卽於通州撥米一萬石以備展賑之用可也將此諭令知之欽此嗣又奉

上諭顏檢奏豫省白麥並未截留請賞撥南漕抵直
米石以資各屬平糶一摺直隸省本年展賑案內
前經降旨將截留豫省白麥仍行裝運赴通交收
卽於通州撥米一萬石以備展賑之用茲據該督
查明白麥並未截留其展賑州縣本折搭配加以
上年原撥之米足敷散放所有抵撥通倉米一萬
石著免其領運惟文安等六州縣平糶米石現在
截留豫東二省米麥僅止十二萬一千二百餘石
無可分撥該督奏請於南糧頭進幫船內賞撥米

六萬石以一萬石分撥文安等州縣平糶下餘五萬石留爲直屬平糶等項之需著照所請准其自大河前幫起挨次截卸北倉俟截足六萬石之數餘均令其赴通交納該督務飭屬妥爲經理以期實惠及民至另片奏稱上年存贖通倉未運米尙有四萬石請統行改歸現奏截留南漕米內就近撥運較爲妥速等語亦著照該督所請辦理其原撥未領存贖通米四萬石卽行停止欽此

一道光三年奉

上諭本年直隸應行展賑州縣前降旨令該督於豫東二省運通粟米內撥米十八萬石截卸天津北倉就近運回散放茲據顏檢奏稱豫東二省起運米麥覈計僅堪截留十三萬餘石尙短米四萬餘千石現在賑期已迫災民待哺嗷嗷若再俟查明確數始行奏撥轉致遲誤不敷米石如仍前赴通領放挽運需時亦恐緩不濟急著准其將豫東二省運到粟米除兵米等項扣留三分之一作抵外其餘不拘幫次全數截卸並將現運麥五萬五千

五百餘石一併照數截留北倉抵米散放所賸米
豆仍飭運通交卸等因欽此

一道光六年奉

上諭那彥成奏籌辦大名府屬被旱州縣撫卹事宜
一摺直隸大名府屬之開州等州縣上年秋禾被
旱歉收今春雨澤愆期二麥失收無地貧民謀生
乏術著加恩將開州元城大名南樂清豐廣平等
六州縣無地乏食貧民賞給一月口糧應用米石
各屬倉糧既不敷用著照所請將盤壩南糧無論

何幫挽運北來卽於臨清地方就近截留稞稜米五萬石趕運大名以應急需至該督前經奏撥之北倉贖米著卽停止毋庸再行撥運等因欽此

一道光六年奉

上諭本日據那彥成奏大名府屬被旱籌辦撫卹事宜請將盤壩南糧就近於臨清截留稞稜米五萬石以應急需等語著陳中孚卽飭運員將已入東境糧艘上緊挽運無論何幫行抵臨清卽將稞稜米截留五萬石以便直隸委員到彼領運可也將

截留漕米備賑本日又據杜受田怡良奏請派大員
督辦賑務等語所有山東賑務著派藩司劉源灝江
南賑務著派藩司祁宿藻率屬查勘專司督辦卽著
於江廣各幫漕糧內截留米六十萬石分撥山東三
十萬石江南三十萬石以備賑濟其應如何撥運存
儲散放之處卽由各該藩司酌定章程妥爲經理仍
隨時報明欽差大臣杜受田等覈實查辦該督撫卽
刊刻謄黃徧行曉諭務使僻壤窮民均沾實惠毋任
官吏丁胥營私漁利儻有隱漏侵吞情弊卽著嚴叅

懲辦以示朕軫念災區之至意欽此

一咸豐二年欽奉

上諭陸建瀛奏請截留江廣尾幫漕米備賑並催償幫船北上等語本年湖南省起運漕米十二萬六千四百餘石尙未行抵江甯著卽照數截留作爲江南賑需其不敷之數著於江西尾幫內截留山東賑米著於江西最後各幫內照數截留應在何處交卸著該督撫轉飭各該藩司酌定交該糧道等遵辦現在江西省幫船已經渡黃者六百九十九隻其在前各幫

此諭知陳中孚並諭武隆阿知之欽此嗣因首進
在前數幫已出臨清關外趕辦不及漕督奏准
將蘇州後大河二兩幫接運稔米四萬六千八
百餘石全數截留其不敷米三千一百餘石卽
將處州前幫接運粳米內找撥補足以資撫卹
委押運糧道前往督辦其截卸地方預備鋪墊
及應用口袋車腳等事查照向來截留章程辦
理席片隨糧交卸毛竹交本幫赴通各船搭運
交納至浙省處州前幫截卸米石所有三升八

合餘米原係奏准留南變價免其查追安慶後
幫搭運緩交餘米並本年正漕內餘米均截留
臨清交納無虧照揚州江西等幫截留之案將
三升八合餘米價銀照數一體給領
一咸豐二年欽奉

上諭上年豐北決口山東江南各州縣被災較廣疊經
降旨動撥銀款酌籌捐項賑撫兼施俾災黎無虞失
所現在大工緩堵時日方長賑款所餘誠恐不敷支
發小民待哺嗷嗷朕心時深軫念昨已令戶部籌議

並著嚴催跟接首進之江安湖北各幫連橋北上毋得藉口截留米石及運道艱滯任意耽延致干重咎等因欽此

一直督奏請截撥豫東漕糧十萬石以爲賑恤之用戶部查豫省新漕春兌春開東省漕糧未報啟徵若俟該二省新漕撥給誠恐緩不濟急奏准於直省完善州縣常平社義各倉內迅速湊撥米十萬石運赴被災處所分別給賑其請撥豫東新漕十萬石仍令各該省照常運通以

備支放

咸豐三年

一咸豐五年欽奉

上諭英桂奏截留漕糧請折色放賑一摺前因豫省被水災黎亟宜撫恤諭令英桂將應徵未完漕米五萬餘石截留該省於應行給賑地方認真散放茲據奏稱體察民情咸願散給賑銀自應全放折色以順輿情著照所請所有河南省截留滎陽十二州縣未完四年漕糧五萬三百餘石除濟源縣已解本色四千六百餘石留備展賑外餘著按照每石一兩二錢五

分折銀報解該撫卽飭屬覈實散給藹儀等六縣被
水災民先於前發帑銀內動給俾窮黎早沾實惠仍
著該撫飭令各該州縣趕緊徵收以備賑需無任遲
延餘著照所議辦理欽此

一江浙二省海運漕糧撥賑米十萬石暫卽北
倉由北倉轉發辦賑各州縣自天津東門外上
園地方至北倉水程四十二里所需撥價席片
夫役飯食等項銀米經戶部援照海運成案統
計每米百石給銀二兩六錢六分七釐九絲五

忽其守護兵丁監兌委員口分薪水每米百石
給銀三錢三分有零合之撥價席片夫役飯食
等項每米百石共給銀三兩統由南省原備撥
價銀內開銷至撥船食米每石計一升一合五
勺較之嘉慶十六年截卸北倉案內開除津貼
耗米之數有增無絀各處領米散賑僅有顆粒
短少卽令天津道照數賠補

同治六年

一山東省同治六年沿河一帶被災同治七年
濟南濱州等處被擾被災經該撫丁寶楨前後

奏准將東省應徵六年分漕糧截留十萬石七年分漕糧截留八萬石責成藩司分別災區覈實散放以資賑恤

一同治十年欽奉

上諭給事中夏獻馨奏敬陳辦賑事宜一摺本年直隸天津等處被水業經降旨准將浙江等省米石截留賑濟該給事中所擬清查戶口防察奸宄多分賑廠選擇紳耆剔除弊端籌給醫藥各條不爲無見著李鴻章按照所陳各節飭令辦賑各州縣體察情形實

心經理務期實惠均霑不得有名無實欽此

一同治十年欽奉

上諭李鴻章奏天津等處被水地方籌款撫恤併請援
案截留漕米接濟一摺本年五六月間天津雨水過
多致城東海河及南北運河沖溢數口濱海地面田
廬禾稼多被淹沒小民蕩析離居殊堪憫惻雖經該
督等督同官紳等籌捐並撥銀款量爲撫恤惟天津
河間順天保定各屬地勢低窪濱河地方被災較廣
亟應籌款接濟加恩著照所請截留江浙籌餉餘米

八萬石並奉天解通粟米二萬石以備各屬賑濟之
用該督務當督飭司道遴委妥員會同各該州縣查
明被災分數覈實散放仍隨時體察情形妥爲撫恤
總期實惠均霑毋令一夫失所用付軫念災區至意
該部知道欽此嗣據直隸總督片奏此項截留江浙
漕米八萬石請飭倉場侍郎列入江浙存倉籌
備項下分別覈收作放下屆仍准照舊抵正所
有原備撥船食米一併隨正兌交經戶部咨令
直隸總督歸入放賑案內一併覈實報銷

一 同治十一年八月欽奉

上諭李鴻章奏畿境各屬被水地方請截留漕米接濟等語本年夏秋之交順天等處雨水暴發致上游各河漫溢出口附近永定漕沱兩河地面田廬禾稼多被淹沒小民蕩析離居殊堪憫惻亟應妥籌接濟加恩著照所請截留江北運米十萬五千八百餘石以備各屬賑濟之用該督務當督飭司道遴委妥員會同各該州縣查明被災較重畧實散放仍隨時體察情形妥爲撫恤總期實惠均霑毋令一夫失所用副

軫念災區至意該部知道欽此

截撥充餉

一丁憂在籍侍郎曾國藩奏湖北兵勇乏食請酌提湖南傍水州縣漕米二三萬石趕緊交兌水次糧臺咸豐三年十二月欽奉

硃批戶部知道用之於軍需固不爲浪費尤須迅速咨部勿稍含混欽此

一山東省起運咸豐三年漕糧因逆匪竄擾臨清河運梗阻經戶部議令按照豫省折漕無分粟米麥豆每石均折銀一兩二錢五分加節省

銀一錢五分共計每石合銀一兩四錢全數變
價同漕項銀米等款撥充軍需倘因米價出入
折耗卽將徵存米豆撥給大營官兵口糧並令
嚴飭糧臺各員撙節動用有贏餘銀則解部
米則起運至輕齎銀兩仍照例批解通庫咸豐四年
一咸豐五年欽奉

上諭怡良吉爾杭阿奏請截漕充餉一摺著照所請所
有蘇松等屬徵收新漕准其在起運交倉項下截留
米二十萬石以濟軍需欽此

一蘇省旱蝗成災米缺價昂餉需無出經兩江
總督奏請在本省新漕三十六萬餘石內截留
漕米二十五萬石抵充軍餉奉

旨允准嗣經戶部奏明此項米石係應交京倉正額應
令該督等迅速設法籌補旋奉

特旨俟該省軍務稍定民力漸紓再行如數籌補

咸豐七年

一山東省截留漕糧米麥五萬石解交勝保軍
營接濟軍食旋據山東巡撫以漕糧轉運需時
變價批解爲期過促奏准在於東省徵存下忙

地丁款內動用銀五萬兩抵米五萬石委員解
交勝保軍營就近購米以資接濟其新漕米石
仍可如數兌運交倉俾免缺額待補

咸豐九年

一浙江省兵燹之後商賈不通米價增昂援浙
之軍火糧餉取資於江蘇兩江總督何桂清等
奏請將江蘇應運咸豐九年分末批漕糧二十
萬四千餘石撥濟浙江兵精以平市價經戶部
議准並令兩江總督等將截留米石於明年補

足運津

咸豐十年

一浙江省咸豐十年起運九年分漕白糧米七十三萬九千五百餘石除各屬陸續運滬漕米四十一萬一千七百餘石白米三萬五千二百餘石先後放洋外尙未運米二十九萬二千五百餘石內有續運到滬米三萬七千九百餘石又續運到省米二萬三千石經將軍瑞昌等將運到米石變價解省湊撥兵餉及接濟兵食之用又臨安長興德清武康安吉五縣未運米四萬二千七百餘石均被焚劫其餘各屬未運米

十八萬八千八百餘石據浙撫王有齡奏請截
留接濟兵食經戶部議准並令該撫將此次截
留米十八萬八千八百餘石同前次撥用米六
萬九百餘石及被賊焚劫米四萬二千七百餘
石嚴飭各屬豫爲籌備務於下次起運漕米時
一律帶運赴津不准顆粒短少奏奉

硃批爾部所議自係因該撫已請截留本屆恐難補運
著照所議准其截留於明年應運十年分正漕之外

一律帶運赴津不准奏請分年帶運欽此

咸豐
十年

一河南省截留咸豐九年分漕糧五萬石變價
易銀解赴勝保軍營接濟軍食經戶部議令籌
補搭運嗣該撫因經費支絀請緩籌補復經部
議覆令於下屆新漕開兌之先早爲籌備足數
隨同新漕一併運通交納

同治元年

一江北各屬被災僅徵漕糧一萬四千餘石南
汛等米歉收江甯各標兵米無款放給兩江總
督奏將前項漕米請免起運留撥各標兵米奉
旨允准經戶部行令該督轉飭將徵收解支數目各歸

各款造冊報部覈銷

同治五年

一天津截卸北倉備賑粳米十萬石除撥賑外
餘贍米石經湖廣總督李鴻章奏請先行借撥
軍糧二三萬石委員由水道分運河間保定大
名等處儲存以濟軍食仍令江蘇巡撫照數籌
補欽奉

諭旨著於天津倉內借撥粳米三萬石等因欽此經戶
部行令將所需運腳籌款覈實支銷仍咨江蘇
巡撫照數籌補搭同本年漕糧一併運津歸款

同治
七年